



6. februar 2024

Inatsisartut ingerlatsinermut maleruagassaasa § 37 imm. 1 tunngavigalugu Naalackersuisunut ukuningga apeqquteqaateqarpunga:

Naalackersuisunut apeqquteqaatit:

1. Naalackersuisut oqaatsit pillugit tapinik tunisisarnissamut inatsisitigut tunngaveqalernissamik atuutilersitsinissamut pilersaaruteqarnerlutik, taamaasilluni peqqissaanermik professionalimik suliaqartuusut, nutserinermut tapisiaqartannigitsut, aningaasarsiatigut isumaqatigiissutit atuuttut aqqutigalugit isumaqatiginninniuteqarsinnaangortillugit?
 - a. Peqqinnissaqarfimmi sulisuusunut ullumikkut oqaatsit pillugit tapisiaqartinnissaat pillugit inatsisitigut aporfiusinnaasut suuppat?
 - b. Peqqinnissaqarfimmi sulisuusunut oqaatsit pillugit tapisiaqartitsinissamut periarfissaqartitsilerniaraanni pisortanut aningaasatigut allaffissornikkullu suut kingunissarai.

2. Peqqinnissaqarfimmi sulisut kalaallisut oqaaseqartuunngitsunut kalaallisut oqaatsitigut pikkorissarnissamik neqerooruteqarfigisarnissaannut Naalackersuisut pilersaaruteqarnerlutik?
 - a. Peqqinnissaqarfimmi sulisut kalaallisut oqaaseqartuunngitsunut kalaallisut oqaatsitigut pikkorissaasarnissamut neqerooruteqartalernissaq pissusissamisoornersoq Naalackersuisut isumaqarnerlutik, imaluunniit piffissaq aaliangersimasup iluaniittariaqartumik, taartaagallarlutik tikittut oqaatsitigut pikkorissarnissamut neqerooruteqarfigineqartassanngitsut?
 - b. Peqqinnissaqarfimmi sulisut kalaallisut oqaaseqartuunngitsunut kalaallisut oqaatsitigut pikkorissarnissamik neqerooruteqarfigineqartalissappata pisortanut aningaasatigut allaffissornikkullu kingunissat suuppat?

3. Naalackersuisut suliamut tunngasunik paasissutissanik allanik paasissutissiinnaappat?

(Inatsisartunut ilaasortaq Anna Wangenheim, Demokraatit)

Tunngavilersuut

Peqqinnissaqarfimmi danskisut nalunaarsuisussaataaneq piumasagaataavoq. Taamaattumik danskisuumiit kalaallisut killormullu nutserisinnaasunik sulisuoqarpoq. Peqqinnissatigut sulisut ilai pigasuartoqartillugu nutserinermut tapeqartinneqarput, nutserisussamik isersimasoqartinnagu nutserinissaminnut piareersimasariaqartarlutik.

Nunatsinni amerlanerussuteqartut kalaallisut oqaaseqartuupput. Ilutigisaanik ukiuni kingullerni peqqinnissaqarfimmi atorfiit inuttalerniartarnerinut unammilernartorqarnera annertusiartuinnavinnikuuvoq, ingammik atorfiit piareersimaffiusussani kalaallisut oqaluttunik. Nakorsartut innuttaasullu oqaloqatiginiaraanni oqaatsit pinngitsoorneqarsinnaanngitsuusut isumaqarpunga. Taamaattumik kalaallisut oqaaseqarneq immikkut piginnaasaqarttutut isigineqarnissaa



pisariaqartissoraara, tamatumanilu aamma nakorsiat paaqqutarinissaannut, ikiorsernissaannut nakorsarnissaanullu oqaatsitigut tapeqarnissaat periarfissaasariaqarpoq.

Taamaattumik aamma sulisut danskisut oqaaseqartuusut peqqinnissaqarfimmi oqaatsit atorneqartartunut pikkorissarnissamut periarfissaqartariaqarput. Peqqinnissaqarfimmi sulisut nakorsiallu/innuttaasullu akunnerminni oqaluunnissamut illuatungeriilluni paaseqatigiilluarsinnaasariaqartut, taamaattumillu peqqinnissaqarfimmi sulisut nutserinissamut tapeqanngitsut oqaatsitigut tapeqarnissamut isumaqatiginninniarsinnaanissaannut atatillugu inatsisitigut tunngavissaqalernissaat, peqqinnissaqarfimmi danskisut nalunaarsuinissamut piumasaqaateqartillugu atuuttussamik, aningaasartuutigineqartussat paasissallugit soqutigaara.

Innuttaasutut peqqinnissaqarfimmut attaveqartilluni toqqissisimanissaq tatiginninnissarlu pingaarutilerujussuupput. Ilutigisaanik peqqinnissaqarfimmi sulisut illersorsinnaasumik attaveqarnissaat nalilerujussuuvoq. Taamaattumik peqqinnissaqarfimmi sulisunut nutserinissamut tapi pioreersoq kisimiitillugu periarfissaannginnissaa isumaqarpunga, qaavatigut unnukkut unnuakkullu piareersimallutik aggersarneqartareersunut, kalaallisut oqalussinnaasunik sulisukillioreersunut. Assersuutigalugu oqaaseqatigiikkaanni isumaqatigiinnginnissamut ungasillititsisarpaq, aammalu tarnikkut oqilisaavigitinnertut naleqarsinnaalluni, kalaallisut oqaluttumut nakorsiamut attaveqarnissamut pingaarutiliusinnaasoq.

Ullut suliffiusut qulit iluanni apeqqutinnut akissutisinissara qilanaaraara.